



04828

鄂韓聯吟集

海鹽馬用儼履常

憶童時日就外傳夕則先子以唐音課兄及余

爲講論成誦乃許寢維時兄始爲詩而余亦學

語焉迄今蓋十有五年矣其間涉歷多故莫可

殫述舉凡登山涉水對月臨風罔不興懷一詠

一歌皆情不自禁者雖山謠村笛無當鐘呂之

響然追念疇昔恍如昨日讀之而怍怍心動不

忍盡付摧燒輒恕而存之聊以省憶生平且誌

少白初稟

所學之本諸庭訓焉耳癸亥秋日少白山人記

十月朔日登鷹窠頂觀日月並出

鷹窠高插天奇景寰中無每當十月朔合璧東南

隅我乏濟勝具登陟愁崎嶇卽今意始決走險如

夷途攀崖候天曙霜露沾衣裾列宿光燦燦北斗

剛轉樞久之初旭上翔躍高丈餘海波忽閃赤陡

覺萬象殊金盤走玉兎雪浪翻金鳥行躔相合併

精華射空虛觀者盡目眩心胷豁拘墟徘徊欲下

嶺蒼煙如雲鋪遙知天台峯壯觀應同符願結來

歲約挈伴遊名區

秦溪道中

指點村幽處行吟一逕迂  
暖風棲倦蝶春水浴輕  
鳧花氣晴初放嵐光淡  
欲無夕陽茅店近歸去  
好提壺

柬訊鍾簪溪足疾

抱病如君久高齋孰共過  
梅花清夢遠山色臥遊  
多欵枕書千卷褰幃雲一  
窩新醪剛正熟遲爾醉  
顏酡

少白初稟

二

歸自橫山與張念修說枝昆季誌別

西風無力送歸舟一棹夷猶逐水流  
漁網參差斜照裏酒旗搖曳小橋頭  
劇憐歧路重分袂無奈遙天各倚樓  
欲慰高堂遊子念敢因舊雨久遲留

山館納涼

衆壑暝煙生夕陽下西嶺開軒納晚涼  
獨坐惜清景露繁竹有聲月淡花無影  
空庭爽氣來萬籟一時靜

春日郊行

野色蒼茫一望平遠山多傍夕陽城青舒柳葉沿  
隄暗紅綻桃花隔岸明籬外香飄蝴蝶夢水邊風  
動鷺鶉聲物華到處添游興莫負芒屨此日行

風阻東湖

積水盈滄海風波振多威蒼茫前路杳留滯客心  
違殘雪飛荒徑孤帆捲落暉遙知閨倚久愁絕望  
旋歸

山行

獨步深山裏松陰一徑分不知行遠近樵響隔寒

少白初稟

三

雲

母氏忌日

紛紛紅葉下檐端滿目淒涼淚未乾昨夜音容宛  
在夢撫兒猶是問饑寒  
每逢此日暗神傷瞬息于今十二霜寸草春暉何  
口報夜烏啼處恨茫茫

硤川旅邸逢徐雪廬卽言別

硤川同下榻握手惜離羣作客還逢客留君又送  
君西風悲落葉歸鳥趁斜曛後會知何日相期再

論文

別鵠篇

并序

閩之莆田人有容杭者二十年不返其妻  
作書寄之情詞悱惻末更望其葬親急歸  
可謂性情之正婦德之純者矣惜其姓氏  
不傳爲賦別鵠篇以紀之

吳山閩嶠莽迴互一別星霜三十度鵠橋會合祇  
經年不信長離羨河鼓夫壻頻年音信稀洞房形  
影兩相依人傳郎在東吳住別戀紅樓不復歸一

少白初稟

四

緘書就從人寄數行未盡相思意百折千回血幾  
絲分明蘇蕙迴文字爲言親歿委蒿萊霜露憑誰  
奠一杯賤妾棄捐何足道幽魂其奈咽泉臺吁嗟  
此語感行路良人不歸復誰訴

金粟寺觀孫權戰鼓

論孫權失計其弊

金粟之山高巖嵒蒼蒼夾道撐長松山圍古寺歷  
年久我來訪古尋遺蹤有鼓龐然獨柔鄧鼉皮冒  
處疑殷紅枯楊樵失叩以指羣英之長聲隆隆老  
僧指是三國物赤烏之季會稱雄阿瞞虎視竊漢

柄率兵窺伺來江東周郎火攻出奇計一夜盡焚  
千艘艫想攜此鼓助麤戰鼓聲江浪爭逢逢萬擊  
千椎敵膽落驚雷震谷喧遙空不數鄣王敗兀术  
楊桴獨得夫人功文淵南伐殄徵側有鼓制敵曾  
鎔銅摩挲故物足相匹千秋霸業隨秋蓬遙指蘇  
臺鐘篋易越來溪畔波溶溶吳越重部樓文編典  
早春卽景東寄同學諸子謝道韞謝靈運謝靈運  
久雨逢初霽登樓寄所思春寒花未放日暖鳥先  
知覓句成新調銜杯憶舊時光陰不我待努力各

少白初稟

五

相期

暮春送胡豫波

寂寞春將暮愁生折柳中鶯聲啼淺碧蝶夢怨殘  
紅燭翦西窗雨帆飛南浦風幾時重晤對文讌與  
君同

冬夜小園步月望竹間殘雪

夜寒月如水一鏡天光清更深衆籟寂棲鳥靜不  
驚泠然遂忘寐曳履園中行竹間點殘白林外迷  
空明迴飈一微動浙瀝時有聲延佇久吟望寒蟾

欲西傾

瑣城村行

東風吹暖氣野徑凍初消  
花簇紅藏鴉波平綠浸  
橋踏青人影亂穿樹鳥聲嬌  
歸路不嫌晚如弦月上霄

落梅和王貽青

一枝芳信頓闌珊玉碎瓊消那忍看  
山閣曉來人夢醒江城月落笛聲殘  
霏霏疑作經春雪漠漠都成入暮寒  
欲弔冰魂杏何處徵吟空復倚欄干

少白初稟

六

旅夜對月

明月照欄千秋光釀薄寒可憐孤館夜強作故園  
看

病中聞吳榕園病

蟋蟀入牀下唧唧鳴清愁殘月落屋梁把晤思三  
秋瑤華一以讀轉益中懷憂維摩各示疾何日同

綢繆

重登半竹閣悼王芸暉

躋攀重上閣對景客心悲  
廟古啼鴉集天空落日

遲高文哀庾信知已失鍾期舊事堪追憶憑軒涕  
獨垂

三月三日同王伊人家孟愚庵永安湖脩禊  
漱川秀氣毓山靈歧路蒼茫認舊經南北湖通春  
草岸兩三客憩夕陽亭沿隄煙水開明鏡近郭人  
家列畫屏脩禊偕來閒眺望風光原不讓西泠

家大人六十生日

年年逢四月斑彩舞相親屈指今週甲稱觴正及  
辰承歡惟菽水娛老有松筠佇看高堂上朝來瑞

少白初稟

七

氣新

栽培多手植物類並呈祥棣鄂雙垂實萱花亦繼

芳齋中常棣兩株金萱數顆於稱觴之際獨盛竊以爲瑞正欣杖履健還喜

室家康歲歲如今日兒曹樂未央

題外舅趙鈍庵先生松風圖

誰將妙筆苦經營謾謾松風境自清一幅雲陰流  
澹沱忽聞庭戶捲濤聲

過庭無復舊時歡回首前因夢欲闌閉戶倍深風

木感霜鱗已作老龍看

先生自引云松係先人手植作此圖寓思親也



自湖山嶺取徑遊永安湖晚憩悟空寺用昌黎山石詩韻

朝瞰隱隱晨光微繞林羣鳥旋驚飛湖山嶺上覓  
行徑石古路滑草根肥平生夙負登臨癖奇絕有  
似茲遊稀躋攀不憚涉崖頂興酣并覺忘朝饑嵐  
陰向午凝不散一抹界斷巖間扉蒼茫遠望見湖  
水輕煙繚繞成霏霏支筇獨立瞰雲背四山突兀  
相周圍興豪更欲忘歸路松花厯亂侵人衣此身  
差喜有餘暇遨遊不受塵鞅轡聽鐘一憩招提境

少白初稟

八

叩關坐待山僧歸

舟過臨平同愚庵作

斜陽天氣晚涼生極目篷窗一葉輕蟬噪殘時林  
影暗藕花香裏櫂歌清沿隄杵響臨秋急隔岸燈  
光照水明遙憶故園新月上誰扶杖履散閒情  
秋夜感賦

蕭緘秋聲起騷人意若何頭顱嗟長大身世悔蹉  
跎木落驚秋晚更深得月多寒蛩偏戀我牀下和

悲歌

遊秦駐山

秦駐山頂松風寒秦駐山腳海水寬青鞵布襪始  
登頓我來正值秋將殘憶昔秦皇此駐輦翠華四  
出恣游盤鞭石驅山振金鐸求仙採藥思金丹徐  
福仙游跡旣杳美人邱墓土已乾空留遺廟俯幽  
壑諸侯早入咸陽關千秋興廢一轉瞬窳顛劉蹶  
俱堪歎落日蒼茫下山去回頭已失青巘岿

屋外

屋外丹楓樹烏將雛共棲孤兒正腸斷莫作盡情

少白初稟

九

啼

春社感賦

記取年年及社辰燕來如與話相親自從失怙心  
多感怕見巡檐覓主人

生子

村居無客至馴雀噪庭前應是家風厚堪期世澤  
緜柔弧懸此日燕翼望他年翻恨生偏晚歡餘轉

黯然

時先君子  
歿已半載

行經秦駐山下與張郢客別處

可憐臨別地滿目盡蒿萊山色依然在溪流不復  
回我來尋舊跡日落起餘哀剩有秦隄月荒荒照  
碧苔

述懷

我年十八九足不離鄉閭一從父臥病塵俗旋紛  
如自傷實不才搔首增躊躇忽爾罹大故庚申春  
正初懼不克承志血淚交糝糊賴我同懷兄艱苦  
相支吾世事難自料顛末誰知余生涯日以薄黽  
勉計有無遂棄青紫念硯田戒荒蕪貧賤不足恤

少白初稟

十

顯揚恨終虛父書盈篋笥母線縈衣襦蹉跎一無  
成荏苒傷居諸夢鹿忘覆蕉伺兔爰守株天旣賦  
我拙何必巧有餘

奉匱歸同穴神安土一抔敢云新小兆猶是舊詒  
謀馬鬣封初固松陰植自周祖塋鄰近在瞻拜涕

長流

一榻蕭然俯碧池索居零落不勝悲吟懷每在秋

殘後離緒常深日落時應世才疎難自斷謀生計  
拙任人嗤行歌漸覺長空晚獨立蒼茫有所思

敬書先君子秦溪釣雪遺照後  
舉目煙波景色同釣竿仍是掛溪東那知簑笠成  
虛事剩有丹青想舊風村雪無情常帶白山花留  
恨故藏紅披圖祇墮思親淚灑向當年手澤中

春暮寄王虛谷

細雨中宵霽樓頭春欲空煙濃千樹碧花落萬山  
紅照影簾前月疑人竹裏風思君君不見何日慰

少白初稟

十一

離衷

聽陸耳黃舅氏話七里灘之勝

夙抱塵外想夢寐凌滄洲名勝未遊歷自抱拘墟  
羞先生富春歸七里清灘流欸門一訪余高談述  
所遊亂峰圍斷澗蒼翠盈船頭渚清水禽悅徑碧  
巖花幽昔賢棲其間千古雲悠悠足加天子腹歸  
來披羊裘客星動天象富貴真蟬蛸過者緬遺躅  
高風足千秋聞言一神往引領動長謳

題何東甫先生小山居圖

西洽豪逸士湖水與雙清卓識涵今古虛懷答友  
生漁樵通物理泉石閱才名寂寂衡門下條然高  
寄情清遠秋興呈周松靄先生爽閨思養志日通  
一望蒹葭別緒添况逢秋暮雨廉纖黃花籬外尋  
幽屐紅葉村中賣酒帘席帽有人勸李巽筆花無  
夢到江淹緬公坐咏元亭內鄴架披殘又幾籤

次入漪園晚眺賦山真

名園水木互潏洄石磴深深繡綠苔水鳥依人歡

少白初稟

七

若識荷風挹座淨無埃窗前秋色凌空淡檻外天  
光入望來如此湖山真絕勝遊人浪說小蓬萊

夢醒先大人諱日

父之生我年四十鞠育劬勞恩罔極哀哉我母痛  
終天大兒九齡小兒七出入已殫顧復心詩書亦  
憊提撕力兒曹長養遞婚娶退閒就養病已亟欲  
求甘旨勤加餐太息家貧慚子職父云貧亦士之  
常善體親心非飲食翁爾兄弟樂妻孥疏食菜羹  
我願畢兒聞斯言矢弗諉晨昏敢或少愉色惟思

聚順樂餘年庶幾親心慰萬一嗚呼天不錫遐齡  
風木增悲又何急悠悠泉路恨難追欲報之德嗟  
莫及爲豐爲嗇總不御籩豆空陳對鳴吧

登樓

何處情堪適開簾獨倚樓寒生千嶂雨氣爽五湖  
秋日永閒方覺愁多醉便休憑高更延眺逸興接

滄洲

寄居螺

南海產異螺棲跡何深邃有蟲名寄居相依若同

少白初稟

三

類蟲來宅殼中螺亦不驅避是一卽非兩誰能辨  
其僞譬彼羈棲人無家困旅次久之漸自安不復  
知異地睹此微物好令我發遐思人生斯世間忽  
忽如夢寐天地一蝸廬寧能得久寄行當揮俗網  
底事苦勞勦蟲類已如此浮生更何異感茲重惆  
悵吟興一爲試

重過半潮庵追和先大人題壁詩韻

山隈高閣勢峻嶒杖履追陪記昔曾人事幾隨雲  
變幻海濤還作雪奔騰青山舊認重來客白髮新

添前度僧十二年前分彩筆也教題詠上元燈

秋日園亭晚坐

晚雨池上晴疎林靄殘碧積雲寒不流遠岫翠重  
疊月移映階樹螢逐墮風葉清樾悄無人夜色隱  
樓堞

少白初稟

西



對葉  
槐氏  
雨斷  
林日  
亭  
...

鄂韓聯吟集

海鹽馬用俊履常

僕前刻初稿始甲寅終癸亥十年中涉歷世故  
大率多樵悴之音自甲子至今四三年來家居  
無事與伯氏憑庵對牀吟賦殆無虛日讀書之  
暇又得二三朋好流覽林泉嘯咏花月復次第  
成帙以付剞劂敢謂中年之作進於少時亦猶  
昔宋人之寶其鼠腊云爾丁卯夏日沙白山人記

韓氏橫湖曉行

少白存稟

一

曉月尙亭亭野橋曾幾經湖光一片白嵐影數重  
青性懶如秋燕交疎似曙星鐘聲清客慮邀我夢  
中聽

銅雀臺瓦硯歌

銅雀臺廢瓦尙存當途遺穢迷荒榛文人拾得色  
斑剝苔凝蘚蝕漳水瀆礪磨爲硯反珍惜片材無  
異藍田壁沼開新月影一灣體琢白圭纔經尺摩  
挲古篆雲生手墨光爛發香座右詩成鮑謝人已  
逝筆落鍾王名不朽玉璃金雀幾回看畫欄桂樹



秋雨寒想見當年貯歌舞分香賣履嗤阿瞞君不見戲馬歌風復何有茲瓦留遺年轉久安得銀鋸劍似霜碎瓦如碎老奸首出鱗其人津日變感風

除夕  
虛擲風光又一年篝燈閒坐草堂前  
甕頭喜貯宜春酒囊裏羞空壓歲錢  
有句消愁忘節物無人索債卽神仙  
誰云貧士無佳趣舉室團圍意藹然

言  
白桃花  
分明幾樹傍簾櫳  
搖曳瓊姿出蕊宮  
洞口月來濃  
少白存稟

淡裏渡頭春到有無中也能消恨入誰識豈爲無  
言色自空最是夕陽魂斷後淺妝獨立笑東風

遊會骸嶺過金牛洞  
躡蹬上雲根  
泉石性所戀  
溪深松自寒  
峯交路疑斷  
茲山非峻極  
祇齊雲岫半  
俯仰快清幽  
登陟窮顧盼有洞窈而深  
寒風撲客面  
崖巔石欹傾  
洞底草滋蔓  
欲尋埋骨處  
遺跡渺難見  
人事日變遷  
風景遞更換  
寂寂皐蘇廟  
千載枕深淵

中湖塘晚步

新晴天淡沓散步動閒情芳草湖墩碧疎鐘古寺  
清泉流喧曲澗烟斷見孤城向晚空搔首青山面  
面橫

題涉園壁兼呈主人鷗舫張丈

涉園山水綠周遮客到惟聞鳥語譁林際乍收三  
日雨隄邊不斷一春花苔封古石疑無路烟鎖垂  
楊似有家差喜主人留我住草堂閒試玉川茶

採茶辭

龍湫山頂春雲繞綠片金英隨處好茶孃爭自理

少白存稟

三

銀鈎結伴入山羣起早青裙縞袂攜筠籠女手纖  
纖擷鷹爪歸來好趁夕陽斜慢火風爐勤焙炒采  
采莫漫惜濃春時過穀雨冰芽老上品入市供朱  
門茶戶留存定多少一聲鷓鴣叫林端茶人辛苦  
深閨曉

憫雨

一春恒苦雨菽麥秋不成蠶桑又弗熟八口時呼  
庚插秧正及時霽雨愁潦盈原田異高低高者尙  
可耕低者田盡淹何以栽香杭村農水沒脛太息

還吞聲斗米錢四百小民何以生天心或轉移鵲  
聲朝喚晴

雨中書事

霧雨經旬阻插秧湖波積水漫池塘一村半入空  
濛裏不辨雲光與水光

積雨浹辰喜得放晴口占一絕

水色綠無際幽人喜乍晴蛩鳴不知處烟外兩三  
聲

舟過石門

少白存彙

四

掛篷閒向石門行遠岫高低一望平近寺疎鐘烟  
際響遙村落日樹梢明浮鷗拍浪仍依岸流水隨  
舟直到城滿眼風光豁懷抱短歌聲雜櫂歌聲

吳山懷古

屬鏤賜後忠魂杳土鏞銅花沒秋草留得青山對  
越江如山浪打迷昏曉鴟夷餘怒殊雄慨恍見中  
流白馬來幸賴三千強努力驚濤不濺大觀臺英  
姿颯爽均千古欲問山靈渺何許銅笛斜陽烟外  
舟鐵幢秋雨江邊浦

鳳凰宮闕高差我渡江泥馬嘯九哥臨安草草冕  
旒被荷香桂子紛笙歌山河牛角偏安忍十將功  
多渾不省可憶龍沙五國城千秋魂魄冰天冷紅  
羊換劫更匆匆何處落花問故宮第一峰頭重眺  
望冬青日暮烏呼風

秋日同人集飲湖舫分賦

輕帆入清漪心與湖水平同遊愜舊侶小飲多閒  
情巒光烟外霽湖影隄上明山中發叢桂到處秋  
風清百年幾良會緬茲空翠盈坐嘯石盤陀入耳

少白存稟

五

梵磬聲山僧邀客去松下啓柴荆

秋晚偕從兄古田伯氏愚庵過枯樹灣訪何  
春渚先生不值

暝烟村徑晚落日下秋山欲訪西泠士因來枯樹  
灣到門人不見乘月客空還何日重攜屐相逢啓  
竹關

武林客夜

客久不成寐蕭蕭雨乍收蛩吟頽岸草月照故鄉  
樓礎杵千家動雲山是處愁不知小兒女曾否憶

杭州

錢唐觀湖

瀟山龕山山層層江湖約束狂奔騰初來海外縹  
紗見倏忽捲地奔雷霆一線疋練浮天白樓臺蜃  
氣涵杳冥素車白馬橫空下東越青山半凌跨百  
折千回三曲成東西劃破浙江界須臾潮平水亦  
平漁船萬點如秋雲回首長空雜暮色遊人興盡  
疑星分我思獨握枚生筆吟對滄波伴夕曛

過嚴瀨謁子陵祠并拜謝臯羽墓

少白存稟

六

狂士世間那有此貧賤還來傲天子平生自恃作  
故人星象徒聞驚太史意中不有侯司徒眼底那  
知赤伏符不戀高爵與厚祿大澤披裘隨釣徒山  
高水長千載後擊石重來晞髮叟生爲信國流離  
客死作子陵寂寞友西臺檜柏悲風來彷彿當年  
歌哭哀招魂朱鳥在何處三尺孤墳依釣臺行人  
杖策藤蘿夕灘瀨潺湲浚寒白石征帆來往復何爲  
一笑紛紛名利客

臨平曉發

不辨夜何若村雞報五更曉風催客去殘月逐船  
行山暗蓬間影波流枕上聲家中如有夢應已到  
臨平

口占手搔短鬢感流年足成一律

手搔短鬢感流年獨向西風思惘然太息青衫仍  
故我欣看黃菊是前緣交當澹處偏能久詩到真  
時始可傳覽景坐忘天已晚夕陽斜上竹籬邊

雪後探梅

天空冷雲散殘雪在林莽泉石共妍潔松竹交偃

少白存稟

七

仰靜中觀太虛寒姿了無象數點天地心湛寂生  
妙想

藍田浦

藍田浦公卿墓十年成荒郊廿年作平路三十年  
爲田四十年爲圃落日行人尋古碑老鴉啼上青  
楓樹

觀燈曲

元宵雨未收泥滑難躑躅賞燈期已過玉管花空  
簇邑宰趁新晴張燈夜燃燭繡幕舞未殘紅窗歌

轉續光明真接晝朝野共炊玉不是官衙憐預爲  
年豐祝忽憶去年夏愁霖漲溪壑菽麥俱不秋百  
室盡蕭索東家將衣典西家將男鬻我躬尙不閱  
那能更行樂天心幸愛民秋成稍有穫何意沸笙  
歌徹夜聞珠箔連宵恣喧呶行樂猶不足樂極轉  
生悲令我愁萬斛願借蟠螭枝徧照流亡屋

早春瓊城晚步

夕照落漁簪閒遊興可乘春聲茅店笛夜色酒樓  
燈徑僻猶藏雪溪深未解冰歸來足清况坐待月

少白存橐

八

東升

讀明史

至正變舊章天魔舞方起大都拱黑郎內殿唬阿  
紫孝陵起濠泗開基先得士劉宋爲股肱徐常作  
臂指南征捷郡湖北伐走燕市所恨都集慶尙非  
帝王里應文握乾符朔方遂虎視縱不削諸藩釁  
端豈能弭燕王託靖難提軍破耿李睥睨金川屯  
倉皇鐵篋啓逆取心可誅順守政堪紀移躡駐北  
平斯謀古所躋整旅討不庭王綱肅遐邇季犛衆

盡降瓦剌魄應禡民力雖已勞軍威尙未弛豈如  
正統朝羽林氣委靡土木遠蒙塵何由振國恥雨  
帝披皇圖四郊益多壘紫荆方戒嚴舉朝議南徙  
猶幸少保謙遷都事中止外寇驅鯨鯢內難伏蛇  
虺傷哉奪門功徐石逞萋斐砥柱旣已頽朝端盡  
奸宄八黨威並行四家罷足特逮至鈐山堂齧權  
競崇侈厥後禍尤烈客魏相表裏釀成甲申變禍  
胎實萌此信府誠亶聰六幕已難理壽皇亭始登  
彰義門先毀是雖末造丁終非亡國比歷本必有

少白存彙

九

由毋乃神熹是能具此識者方可與譚史

題吳槎客先生仙井幽探冊子

井在紫  
微山麓

入山訪古得靈閤幽趣不與桃源異桃花流水香  
滿澗傳說葛洪丹井地當日棲神在泉石養拙窮  
年鍊金液挹彼靈泉古甃寒冰心一片秋澄碧嵐  
深霞重氣象清朝瞰夜月注仙經葛洪著  
有仙經上有巉  
巖插天之石壁下有颺颺萬壑之松聲跨鶴何年  
歸葛嶺此地空餘鍊丹井落封薜積絕遊蹤幽隱  
何人入仙境槎翁訪舊歷幽深不惜芒屨踏落冷



笑余夙有林泉癖撫景披圖恍然失多君先領烟霞緣我愧詩無少游筆

秦少游有葛洪仙井詩記

野望

晴巒望不極翠靄遠重重雨霽花光嫩雲歸樹色濃開樽對明月憶舊聽疎鐘舉目無知已吟情近更慵

雨後同王貽青徐鈍甫吳榕園家孟愚庵小

飲二吹艸堂分賦

雲烟漠漠釀輕寒向夕開樽強笑歡聽雨不知三

少白存稟

十

月暮看花又見一春殘酒逢知己何妨醉詩爲求工轉覺難坐起高談情未已漫燒紅燭到更闌

櫻桃

暖烟微雨餞芳辰一樹離離故近人野鳥銜來珠欲破癡兒摘去顆偏勻堂前昔記曾分果地下今愁莫薦春對此倍深無限感臨風那忍遽嘗新

虎溪山房留別陳半圭

有客唱驪歌送我城西路感君意纏絲爲君屢迴顧歸思促征帆閒情話幽素不辭落日低眷此他

山助流水一以別後會更何處渺渺天際雲離離  
城畔樹相對兩無言分手自茲去

重遊薇山用東坡自金山放船至焦山詩韻

薇山泉石性所耽奇景不在山之南東山對峙兀

相向橫山斜抱聊參三風景彷彿金焦似

薇山一名小金

山或起或伏如眠蠶秋來重到徧遊訪一洗胸次

雲壑慙入山蹊徑半曲折巖凹丹井猶成潭舊詩

依然在石壁淋漓殘墨餘清酣老僧問名舊識面

瘧羊往事難深談螺旋上頂覓古跡殘碑斷碣眠

少白存稟

十一

落龕松濤石琴送餘響汲泉瀹茗饒清甘名山終

古氣清發任人攬取何嫌貪逋翁仙令各蟬蛻高

蹤欲繼誰能堪興酣日落未歸去隔雲還擬尋茅

庵

禪悅寺鐘歌

勝國宣慰傳楊公威名應與無敵同韜鈴多服事

禪悅華鐘曾鑄千石銅更聞銅异赤崖產驚濤涌

出煩龍公大聲隆隆若鯨吼百里驚倒百歲翁惜

哉樓圮鐘亦墮遂令古物理荒叢枯僧廼興大佛

力飛楹復建懸此鐘我來香刹辨窳榘縹糊篆刻  
盤虬龍不敢大扣拊以指鏗然已作蒲牢雄鐘乎  
鐘乎願爾長偕粥魚茶版共位寘勝隨沈戈折戟  
齊銷鏗聲聞乘輿圓覺乘朝撞暮擊驚頑聾回頭  
古佛笑不答鐸鈴殿角鳴霜風

永安湖雜詠

回巒疊嶂互高低澗水奔流閘口西賸得城闌殘  
照影梳妝樓畔暮鴉啼

九杞山下菊松存修竹紅林認許村勝跡荒來滋

少白存藁

七

蔓草風流何處問黃門

涉園訪大白先生讀書處

名園勝銳溪中有高人住青陽緬前哲日涉自成  
趣泉石情所耽簪紱意豈慕時陳三篋書偶致兩  
京賦可知賢達心誦習非外驚功名啓後賢

羅浮先生

清節立朝著羣稱諫草傳悉本庭訓豫迄今百年  
餘堂構尚如故我來覓遺躅曲徑屢迂步餘輝照  
烟霞清風被竹素偶經邱壑旁似聽咕嗶處流連  
坐文石摩挲憇涪樹永懷山賓言欲去更回顧

塔影湖汎月放歌

涼颺起清夜金波涵秋空推篷對酒坐明月一輪  
皎潔懸雙峯銀蟾入水天上下塔影山光兩相融  
撫瑤瑟歌秋風人生易老髮易白日月逝與流波  
同夜深喚月月無語可容我到清虛宮

重過城西甥館留景文之

失巢禽語不堪聽愁對西風坐鯉庭事到傷心原  
落寞人因失怙更伶仃論交每歎冰同薄閱世難  
逢眼最青我亦當年孤露者相期努力慰幽冥

少白存藁

三

次采田先生感秋詩韻

涼夜西風動薜蘿清吟有客學陰何月移斜影將  
頽樹露斂餘香半敗荷海內雲山迢遞甚天涯朋  
好別離多年來自笑成何事歲月囟囟一夢過

不寐

宵深眠不得欹枕待雞鳴寒逼殘燈燼窗雷曉月  
明五千空有草三十未成名最是孤邨柝聲入  
夢驚

陸少白以於斯閣詩集見示率題其後

龍山才子稱三奇

謂君與查梅  
史南廬也

君獨布衣聲交馳

倏然一洗庸猥習丰采有若瓊瑤枝與我初逢如

舊識出示新詩情逾切君家機雲才似海千載驚

人欣再得長歌兀傲短篇妍以神流采本天然力

追太白得正始次者乃亦如坡仙秋風九月菊花

放同君看菊賈湖上開筵一笑倒香醇胸襟豁然

覺幽暢臨風循誦更徘徊爲君拍手歌所思他年

樽酒復何處記取賈湖送影時

落洲舟次乍浦有懷徐雪廬

少白存彙

古

萍蹤落落感何窮旅宿荒邨一望同有酒皆沽黃

葉裏無山不在白雲中此時飄泊憐騷客他日流

傳誌寓公遙憶東湖烟景好離情那得寄飛鴻

太同雪中與室人坐話

北風吹雨雪寒意陡然生雅雀渾無影園林微有

聲中年感哀樂儉歲望豐盈試看來宵月團圓分

外明出

論詩偶成

詩本性情生旋以音節諧區區有韻語能寫平生

懷奈何鐘呂音雜之以淫哇風尙闕世教正聳乃  
自佳綺靡亦緣情所恥大雅乖  
東髮好吟咏自謂甚易工偶得一二語恍若妙悟  
通學之復有年此道轉難窮石泉寫幽瀨松吹流  
清風天機所奏泊會心觀太空

橫湖櫂歌

一抹遙山翠欲連雙汀雨過草纖纖橫湖湖上儂  
家住湖水當門作鏡奩

呂塘東去瓊城西隨處打魚路不迷鷺鷥橋頭與

少白存稟

五

郎別鴛鴦橋畔又同棲

簪溪吟爲東海半人作

簪溪溪水清且漣烟波東與橫湖連橫湖片帆掛  
雲樹直到簪溪屋邊住我來訪君溪上行溪水迎  
人如有情綠陰當戶日初永戶外不聞車馬聲年  
逾四十頭斑白閉戶著書聲藉藉坐禪竊擬白香  
山高隱誰識王彥伯平生與君稱莫逆淺落相看  
閱今昔空憐歲月半蹉跎寒餓窮年吟抱膝君不  
見簪溪溪水生綠蘋游絲落絮爭殘春耽憂空惜

習鑿齒乞藥誰憐盧照鄰

薇山感舊并序

陳半圭張盡甫犀谷昆季徐星巖崔蓮舫  
張綺石諸子曾結吟榭於薇山作雅集圖  
去春余偕伯氏過之與諸子酌酒談詩頗  
慰岑寂無何盡甫捐館諸子亦風流雲散  
今復過此惟犀谷仍寓焉一燈話舊吟興  
無聊對此風景不勝邈若山河之感爰賦  
短章以抒夙憾兼與犀谷誌別舊雨情深  
少白存彙

六

不自知聲淚俱絕也

燈昏漏斷恨無涯雅集風流事已賒  
客散蘭亭圖尚在草荒金谷月空斜  
迷離仍記重來路寂寞還開古樹花  
話舊不堪今夜別追維生死動長嗟

過張叔未竹田深處題壁

寒烟凝竹竹遶徑春雨初過綠痕淨  
中有佳客伴此君靜對幽姿隔簾靚  
數竿挺挺無俗情新篁冷翠搖秋聲  
空林無人鶴骨瘦夢魂飛度湘江清  
扁舟來往新溪畔一片碧雲晴亦暗  
清風簸簸雲際

生誰與高人幘同岸

寄內

久客非吾志羈畱亦偶然相思殘月下獨寤小窗  
前問字憐兒懶操家賴汝賢歸期今伊邇何用卜  
金錢

蠶豆同徐贇甫作

一宿薰風過北阡三眠時節熟平田麩從戴勝聲  
中老莢向纈絲花外懸燒筍客來偏惋惜試茶僧  
到最流連自憐田舍多真味此日嘗新獨占先

少白存臺

七

苦熱夜起達旦

溽暑宵猶熾開軒坐小亭池波流皓月徑草宿秋  
螢起舞雞初唱閒吟夢乍醒晨光烟樹外幾點遠  
山青

遣瘡鬼

我聞瘡鬼顛項子而胡不肖乃如此翻手作熱覆  
手涼趁時乘勢驕益侈前年水潦去年荒今年瘡  
瘦連邨市貧病不堪爾作祟坐令老羸置之死壯  
者亦復旋狼狽冷氣侵尋入骨髓邨邨遠近延巫



醜桃刻桃符試百技維山有翦紛爛漫十人同病  
幾人起我今賦詩以告汝汝來何方去何里身入  
貝闕琉璃堆菱荷爲衣霞爲被飄飄鸞旗曳風月  
得得雲輶下烟水請從此去勿重來回首巫風一  
朝洗

時少山方壺歌爲張叔未賦

竹田先生雅好事古玩纍纍案閒置商彝周鼎兼  
漢章手拓遺文證奇字就中尤愛方茗壺少山時  
子製作殊礪砂百鍊聚精魄削規就矩形如觚試

少白存稟

文

挹清泉比玉銚滿座雲烟自繚繞纖月分明弄碧  
波微風彷彿吹文藻如茲手藝世罕倫古窯獨占  
陽羨春昆吾圓器不足數桑門蓮葉長鮮新吳梅鼎茗  
壺賦云刻桑門之當年徐李稱鼎足更憶陽羨名  
帽則蓮葉藥臺陶錄張華博物君再生寶之何異千金璞

涼夜坐桐陰下新聞蟲聲

山房驟雨過桐陰淡河漢夜涼侵客衣滿庭殘暑  
迢徘徊深樹下倒聽墮葉散對茲靜景好囂塵爽  
然斷夜深澄宇淨月吐露華半碎影穿樹來澄澄

互凌亂堦下蟲始鳴陡覺歲時換蹉跎感物華老  
大徒悲歎

秋日家孟愚庵客乍浦抵暮風雨交作詩以  
誌感

日日聯牀笑語溫今宵風雨共誰論波濤拍岸凌  
秋急烟樹迷天入暮昏帆影直隨孤客遠雁行疑  
逐亂雲奔遙知芳草相思意一樣燈前寄夢魂

農謠

風經秋暮逼人寒閉戶高歌強自安不是貧家魚

少白存稟

九

稻足要寬先要去完官

別胡瘦山屈韜園後有寄

把袂不多時分袂一何迫片帆掛輕風催作故鄉  
客渺渺東海水一望相思積海水有去來相思無  
朝夕蒹葭動君思蘚苔闕余跡珍重爲君期勿使  
雲樹隔

吳榕園得東坡戴笠圖屬題長句

東坡先生才卓犖萬卷詩書挂胸腹平生忠義反  
謗傷萬里炎方罹竄逐先生夷然了不驚野老邨

童相往復黎秀才家牛欄西日暮歸來雨淋漓  
龍少見吠所怪破笠短衣行篤速風流佳致千古  
傳妙筆何人寄圖軸彷彿當年謫宦身鬚眉仙意  
真堪掬榕園詩老雅好古夢遇坡翁見芳躅此圖  
落手信非偶六百餘年風雅續我來瞻拜玉局仙  
奎宿熊熊光下燭直應配食昌黎公一盞寒泉薦

秋菊

王伊人招飲白雪吟屋

蒹葭遙望白雲隈茅屋疎籬兩岸開野鷺戲隨孤  
少白存稟

二

櫂至幽禽啼報故人來一林紅葉添詩料滿徑清  
風掃俗埃知己幾回能共話夜深明月照銜杯

得徐雪廬書

故人契濶久景况近何如湖上三年別天涯十月  
書相思雲樹外愁望夢魂餘縱有懷人咏臨風歎  
索居

送竈詞

朔風吹雲碧天淨玉律春將迴斗柄兒童臘鼓響  
聞街羣說今宵醉司命歲時風俗記糟塗跪拜殷

勤向竈觚一椀香餒修節物半甌綠茗當清酌雲  
車風馬神初去柏子香焚散烟霧謁帝分明傍紫  
霄綠章次第陳功過己丑何心遇吉辰宵闌渾似  
守庚申黃羊不設傭求富縹緜長耽爲樂貧願神  
旋軫嘉祥兆舉室年年共歡笑豈羨當時陰子方  
綠袍槐簡親神貌

丁卯元日

幾度流光比擲梭頭顱如許奈愁何百年歲月三  
分去萬事蹉跎一夢過香動梅花寒乍退晴催鳩

少白存稟

三

烏調初和壯懷未愜情無限贏得東風到澗阿

房中詩

春夜習靜月臨除一室團坐意自如篝燈吹穗紅  
綬綬抱膝長吟且自娛嬌兒刷硯磨新墨手執紅  
牋索楷書小者依兄坐短檠倒擲殘編學伊唔荆  
妻挑燈伴夜讀纖手持鍼補舊襦紙閣蘆簾風常  
在香車錦幙願已虛何用鹿門耽偕隱元相家風  
在我廬

自題鄂鞞聯吟處傲香山體

鄂韡聯吟處相依三十春有亡同龜勉身世共艱  
辛名以工詩累情從率性真眷懷風水恨明發一

沾巾

鄂韡聯吟處先人舊業存詩書五世澤兄弟一家  
言春去花侵戶宵深月到門對牀頻翦燭今古快

同論

田園漫興

春晴春雨總相宜麥隴青蔥日漸遲  
邨婦浣紗童子饁午雞啼過豆花籬

少白存橐

三

夜歸寫懷

西風送孤櫂暮色邨野微行客倚篷坐欲共倦鳥  
歸鳥飛入烟暝水流到柴扉嬌兒解候門荆妻勸  
傾危燈前一笑樂聊息塵中機

三月三日晴復雨湖上微烟籠邨鷗三點五點侵

衣襟逐婦鳴鳩若相侮雨收林外烟水平一葦閒

泛日正午黃鸝坐樹聲斷續如遇知音共爾汝風  
光彷彿永和年魚唼落花水面舞同舟游侶興亦

豪酒不嗜甘偏嗜苦天光雲影入深杯紛紛不復  
分賓主烟開隱隱見遙山疊障層巒豁眉嫵興酣  
還復弭游擢履跡參差印黃土野人知我麋鹿性  
杖藜引入古園圃竹籬茅屋土古風擬似桃源欣  
得所采花鬪草邨畔童拂浪浣紗溪上女觸景轉  
憶昔年游聚散存亡一仰俯何春許敬堂二公已泉  
下感逝情懷誰與語吳子容豪俠遠出游張岸王  
伊人棲息掩衡宇東風倏忽吹船開柳外漁榔雜簫  
鼓流觴興盡賦歸來共此悲歡話幾許他年此會

少白存稟

三

入夢寐湖水湖花兩相阻不如更盡杯中物拍手

高歌聊倡予

東風倏忽吹船開柳外漁榔雜簫

不厭田家午飯

與詩吳子

夏木森森布穀鳴清和天氣任閒行桑田雨過陰

初合麥隴風來浪欲平竹外幾家烟斷續畦邊十

字路分明劇憐野老殷勤意蔬菜鱸魚爲客烹

吳子同人觀荷趙參美田黃土人吟吳

溽暑阻幽興行吟鬱不舒賴有素心人相約看芙

蕖樓榭與箬笠任意聊自娛曉來天正爽露氣侵



鄂韓聯吟集

海鹽馬用俊履常

僕年未四十兩鬢蕭疎自顧生平無所能惟以  
有韻之語敬承庭訓癸亥秋暨丁卯夏以所作  
先後付梓頗爲一二同人所許可年來伯氏交  
遊四方子則綢持門庭酬應紛雜兼之兒女成  
行以教以養非若丁卯以前之日多寧晷也時  
有所咏大半隨手棄擲存於囊者僅十之二三顧  
日月逾邁遞世無聞殊負先人之屬望與夫兄  
弟之交勵豈敢以區區自重哉布諸烟墨聊以  
志所歷云爾癸酉春暮少白山人自記

戈韞石屬題北溪圖

北郭詩人北溪住春來風物饒幽趣園居不減李  
潛夫隱處欣鄰趙子固門前溪色遠黏天隴畔雲  
光晴戀樹楊花點水生綠萍發發纖鱗不知數詩  
人對此樂有餘識字還作山澤癯有田二頃屋十  
笏息壤正好盟鷗鳧繪工潑墨開生面滿紙雲烟  
互凌亂清景應愁畫不如長隄南北如虹斷興來



兀坐忘朝餐吟詩展畫子細看何當與子連牆隱  
磐石時來把釣竿

與徐鈍甫夜坐待月廊

相聚茅堂裏依然對一危敲詩連榻夜話舊上燈  
時海近秋來早廊深月到遲石欄同倚久涼露滴  
風枝

楊維聰畫魚歌

畫魚我邑推楊翁至今妙筆難追蹤何年尺幅移  
海水揚鬣張鬣行虛空想見翁當走筆時神來一

少白續稿

二

掃龍門通萬里似欲赴溟渤赤鯉已趁洪濤風迅  
雷震電助其勢騰身直上成飛龍古來工此稱劉  
宗揚翁好手將無同收圖獨立更翹首匹緡長帶  
烟冥濛

題華秋槎先生北山旅舍圖

託跡禪林老更狂他鄉彷彿是家鄉不須歸去尋  
荒徑漫枉移文到草堂秋氣滿空烟雨足暮雲一  
色水天長何時攜屐來相訪遙指門前柳數行

病中作書寄家孟因題其後

連日多風雨因憐客路難江山雲樹隔鴻雁羽毛  
寒尺素初題罷臨封着意看恐添離別緒聊復報  
平安

秋夜

空林涼葉飛山犬吠不止披衣出門看皓月照秋  
水

舟行投宿水雲寺

乍行雙溪徑忽到水雲寺竹木有古色鐘磬安初

地隱隱白雲中數椽更幽邃泉聲隔籬鳴山色落

少白續稿

三

窗翠鳥指雲樹歸僧踏溪月至塔焉意自真詩思  
清于水

寒夜獨坐

獨夜擁書坐燈前影自雙秋殘蛩入戶夜半月當

窗漏滴驚饑鼠砧聲亂吠虬幽人期不至雲樹隔

寒江

夜晏許氏莊

細雨斜風物候催故人止宿共徘徊幽情每向閒  
中得豪論都從醉後來差喜攜樽朋輩合更憐滿

徑菊花開明朝好掛孤帆去雲樹參差首重回  
小長蘆  
垞竹森森水雲夕半灘秋月蘆花白先生去後百  
年餘至今人識小長蘆荒亭獨立緬遺址三面依  
然繞烟水我亦橫湖一釣師持竿夢落孤篷底

禮山觀采石歌

禮山之石堅且頑龍飛虎化形孱顏石紋裂處任  
高下鑿者毋乃離子班離子生平慣斫石况是頑  
頑堪督墨煮之不熟鞭不行皮骨摧殘聲霹靂五

少白續稿

四

丁彷彿來雲中奮斤碎石成化工百丈千尋倚天  
立片片墮地聞硃礮繩梯榛禦上峭壁足不能步  
手爲躑如猱升木鼠跳梁奇巧還爭巨靈擘初訝  
山溪瀑布喧旋驚萬仞傾坳垣須臾聲殷四山響  
隆隆直欲搖乾坤斧斤并石火星吐激以寒泉始  
得取尺寸分明鑿不窳長者作堦短作堵吁嗟乎  
倔強詭怪世所憎無心造物成崢嶸呼兄呼丈不  
可得但聞奏斧時丁丁君不見雲岫山頭石靈秀

萬古嵌空何獨壽

春夜大雪念伯子水宿平湖詩成黯然兼寄  
胡瘦山

客路非迢遞已悲行路難春冰堅澤腹雪意擁雲  
端念子擁衾坐知余撫枕歎當湖多勝跡遊客壯  
遐觀放眼湖天濶登臨風雪寒前途逢奮好握手  
罄餘歡莫效窮途哭還須酌酒寬平生倦水宿歷  
歷怕風湍

古春洞天賞梅

俗眼識春不識古隱士賞古不賞春豈知寒梅抱

少白續稿

五

孤節稜稜古氣春精神冷蕊含烟雪點綻蒼皮溜  
雨苔花皴枝橫竹外香漠漠影落溪底波鱗鱗我  
愛此花春且古逋翁是否花前身

臨平曉發

向曙疑月色荒雞喧邨中解纜復前行薄霧遮孤  
篷春山睡未醒黛色青濛濛陰晴問舟子漁唱紛  
西東離家纔昨日計程心已忡回首望林缺旭日  
方升紅

重之武林弔何春渚先生

寂寂柴門外依然草色新西冷空勝蹟北郭失詩  
人跡感合并少交憐貧賤真含情一灑淚落日下  
城闌

題李西齋七十二峯草堂圖

七十二峯翠插天堂開七十二峯前白雲皦皦當  
窗出青靄霏微與竹連自昔孤山傳處士至今烟  
景屬吟仙何時穩泛西溪櫂一賦蒹葭秋水篇不  
華  
赤岸看桃花歌聞次次徐雲一蕙蕪人寒人

春晴三月鶯花早眺望湖山惜春好宿露紅含冶

少白續稿

六

色新長隄不斷靡蕪草阜亭山畔夕陽斜瞥見穠  
華幾樹遮綠水三篙聞犬吠紅雲一簇擁人家人  
家託業半樊園花木栽成欣得所彷彿仙源路不  
迷茅簷處處安環堵風晨月夕門芳妍最好風光  
上巳天肯與崔郎共惆悵合偕漁子共沿緣花光  
掩映湖流碧青嶂如雲露花隙一櫂玻璃曲折通  
多應稱我烟霞客一歲看花一度來劉郎不厭久  
遲徊花開花落鶯啼處祇有東風費剪裁春日工

同人雅集涉園有作

涉園樹木經千年蔥蔥鬱鬱生雲烟

園卽烏夜邨舊址

黃

門當日遂初服經綸不試營林泉王侯第宅走狐  
兔薪木無毀子孫賢鄰家墟落遠相接後通曲港  
前平田溪徑曲折呈畫本山紅澗碧供攀援諸君  
興發共浩歎恍如鸞鶴翔青天主人留客且轟飲  
更燒玉版同參禪人生忽忽如寄耳千古不朽惟  
詩篇不如借此把茅地豪吟痛飲枕石眠

偶作

晨起開篷戶呼僮掃綠苔春晴今日好應有故人

少白續稿

七

來

送張犀谷之海昌有懷鍾籟溪并應笠湖周

楫坪

河梁送君發正值梨花時雨後春漲滿浪軟風遲  
遲計程到海昌三五月未虧遇我平生友致我一  
卷詩頻年成契濶夢寐常見之應周亦久別相思  
每神馳歸雲帶鳥沒楊柳青參差旦晚有題字臨  
風慰別離

雨中過語溪寄楊文樸

春水漫新漲溪頭少人跡峯嵐淨如沐烟雲紛以積惆悵不同遊石梁蘚花濕

過白雪吟屋悼于伊人

重到吟壇失舊盟回頭空復憶生平襟懷落拓人皆笑花月悲涼酒獨傾豈料河梁成死訣長留天地有詩名門前立盡斜陽影感逝傷春無限情

初夏

庭中花木繁首夏猶爭妍日暮偶出戶青秧盈水田久晴初得雨衆綠茫無邊塵襟滌已盡閒向北

少白續稿

八

窗眠物情旣如是予懷亦欣然

對雨示兒

淫潦逾旬月平疇起白波窮檐盡一哭生計嘆無多米貴價難論時荒愁奈何爾曹須解事飽煖莫蹉跎

野老嘆

野老抱布朝出市日暮歸來哭不止傷哉饑饉連六年今歲淫潦復至此低田湮沒化汙萊高田蟲生禾盡死斗米價論錢半千衰年貧賤誰見憐忍

饑獨立西風前

貞孝詩爲吳縣貞女王素孝子王如松作

越來溪水清于雪爭說旌門事雙絕萬古奇傳孝  
與貞一家至行姑兼姪烏衣舊族本清華降作尋  
常百姓家幼號窮民悲失母長隨伯姊但呼爺中  
年爺又拋兒女兒女熒熒更誰撫兩口零丁伴夕  
昕一廬蕭瑟聽風雨弱弟看看弱冠餘六萌喜見  
迓香車已教伉儷聯徐淑差得辛勤慰女嬃女嬃  
亦值標梅候梁孟行將覓婚媾鴛侶如成比翼新

少白續稿

九

雁行忍使分形驟爭知阿姊志偏堅不字寧徒矢  
十年願得終身爲女子羞他舉案說良緣從茲足  
與齊嬰比未喚女貞尤可擬有弟長依白屋居無  
郎合住青溪水弟也身充胥吏行官衙奔走簿書  
忙不工敲骨鐵鞭手難飽腹膏墨荔腸甘遭赤棒  
頻垂繫清白爲心心益烈介節俄折學雉經幽魂  
祇自同狼泣可憐玉雪有孤兒剛是桓麟十四時  
俄頃捐軀從地下傷心續命竟無絲撫屍阿姊聲  
號慟父子何堪生死共幸得篋吹一綫傳待伸盆



戴千秋痛益戴何時果雪冤天闌長叫淚潸浚黃  
堂忽喜來馮豹羅水渾同弔屈原舉頭畢竟蒼蒼  
近純孝孤貞天亦憫已慰重泉慘怛人更償兩世  
艱難境拜得恩綸自九重烏頭石闕表巖從  
存亡不枉諸辛歷股蠻長邀次戊隆卽今粉社流  
傳遍巨手河陽作佳傳四女祠猶讓名五人墓  
恰鄰芳甸何日蘇臺駐客舸遺徽憑弔酌松醪莫  
釐峯矗三千丈不及貞風孝行高

悼梅

少白續稿

十

西風悲落葉疎影尙依然化鶴知何日停琴憶昔  
年微茫孤館月冷淡一溪烟索笑今無分憑欄悵  
未眠

施簣初屬題竹樓聽雪冊子

聽雪已在樓而况近竹林迴飈一以動騷屑多清  
音清音復何在竹雪兩難尋譬彼陶靖節壁掛無  
絃琴音在絃之外此趣奧而深獨坐泯聞見悠然  
自會心

山居

十日山中居滿胸貯邱壑豈不念故廬幽懷欣有  
託危石咽流泉疎靄映空薄清風俄然來松花拂  
衣落雲岫渺何從呼艇前溪泊  
嚮晦出山來道半遇樵父相邀過柴荆瓦盆斟濁  
醅供客無兼味風俗近太古山茨六七間簷角老  
梅吐溪流汨汨聲亂石清可數

春興答同舍諸君子

春到蓬門又五旬一番花信一番新林鶯破夢還  
多事巢燕忘機不避人幾畝薄田堪飽飯數椽老  
屋足棲身此中自有幽閒趣何用浮名逐俗塵

少白續稿

十二

題琴川女史歸珮珊惜花小憩圖

輕紅着雨倍鮮妍初日融融帶翠烟爲愛芬芳晨  
起早倚欄獨立曉風前

三月三日邀同人集鄂鞞聯吟處賞常棣花  
卽席分賦

連枝樹下招同人吟場賓主來相親田園恰羨仲  
長樂不願逐趨紅塵常棣庭前紛爛漫年年三  
月光新一枝膚鄂燦千萬紅霞掩映橫湖濱高

朋滿座盡一醉題詩潑墨逸興真諸君擬議且勿  
吝賤子巔末請自陳吾生兄弟值少小先子課讀  
詞諄諄牆陰手植兩常棣隱然示我敦天倫浮雲  
流水歲遞閱我長樹亦高嶙峋作花結實頓殊致  
正值先子懸弧辰摘來獻壽先子喜云是吾宅嘉  
兆臻無何風木忽抱痛惟我二人同酸辛流光忽  
忽又十載兩忘名利甘隱淪斯花亦解哀樂意風  
霜歷盡逢陽春今朝更得友朋聚飲罷還復書前

因

少白續稿

七

施少峯作聯吟圖贈余兄弟詩以酬之

春山無定姿黛色朝暮換放權橫湖濱並坐石牀  
畔聯吟何處聞竹影搖孤館

題蕉雨軒

蕉陰染透紗窗綠中有幽人把書讀一燈如豆雨  
蕭蕭併入簷聲滴寒玉開軒滿地春雲流年年長  
夏如三秋勸君莫種芭蕉樹聽到雨聲人欲愁

棣園納涼

瓜壺滿架垂葉底暗風入炎蒸苦偏人偶來池上

立竹密陰倍濃石古蘚微濕遠樹紛低昂歸鳥翻  
飛急枯枝絡藤蘿幽花紫堪拾野景足開懷吟成  
晚涼集

題施少峯涉江采芙蓉圖

秋水水碧如莓苔江南江北芙蓉開采花人放扁  
舟來欲折未折空徘徊今日采花花正好明日采  
花花已老相思莫待顏容槁歸來攜贈還須早

爲兔牀先生悼亡姬蘭貞女史

金鈿十二委沙塵斷珥遺香最愴神漫憶桃根添

少白續稿

三

舊咏其如花影誤前因多情自古稱名士傷逝從  
來屬恨人縱使再生頭已白可憐杜牧奈何春

聽蛩鳴

聽蛩鳴所聽非一聲秋來入階下聞之涕泗橫一  
天星月明皎潔枯葉辭枝心暗驚中宵爲誰獨淒  
切酸風冷露助促節頓使愁人眠不得一燈如豆  
紅依微五更唱曉和邨雞樓頭有婦猶鳴機夫在  
天涯妾寄衣終夜不成匹生怕寒蛩啼聽蛩鳴不  
知誰樂更誰苦樂者冰簟夢涼宵苦者空房泣秋

雨

寄蔣蔣邨

烟水隔西東遙遙三百里西冷一碧流流入橫湖  
水我乘橫湖船來溯西湖邊君正出山去良晤嗟  
無緣湖波曲折通良友自相逢相逢杳無日相思  
烟水空思君忘朝夕流水無終窮

詞源起橫流汎濫蕩無底治水不疏源滔滔何時  
已之子紹正宗清句通妙理深究百家言殊得風  
騷旨觀水必觀瀾要自有根始大雅今復作扶輪  
在吾子我性亦耽吟不歎孤弦爾

少白續稿

齒

酬叔未贈高麗筆用樊榭謝人高麗墨韻

高句麗重吉貝紙佩阿巧製更誰似謁奢太奢縱  
矜貴不抵移封管城子紅絲玉斗墨瀋寒豈必扈  
班如曷山濡毫合效驚蛟蜨志續朱蒙新舊間

題畫

花  
青松隱茅屋樵擔憩水涯風吹一夜雨滿澗流桃

晚過潘墅精舍

偶出破煩悶荒邨日將夕逕深幽草多林密炊烟  
積禪房枕流開似待晚行客緩步不知勞小憩澗  
邊石禽棲樹交陰水流春一脈語答梵音清影共  
竹枝瘠塵心一以洗邈矣悟今昔歸路入蒼茫行  
人杳無迹

書懷

梅萼含香凍未醒畧分春色與閒庭存囊舊稿惟  
三賦課子新書占一經世事渾如巢燕苦鬢毛不  
比晚山青年來又被騷人識詩艇連朝門外停

少白續稿

七

徐雪廬攜令嗣芸峴過訪賦贈長句

孤邨寂靜簾垂晝有客停橈訪圭竇六年相別今  
相逢意氣元龍羨依舊荒齋坐話長日長旣見君  
子居何陋先生風格殊絕倫性靈更喜全天眞讀  
書萬卷筆有神賣文沽酒忘清貧閨中婦可同筆  
硯膝下兒矧誇麒麟淵源不愧名父子况復妙年  
才若此駿骨行看燕市空鵬程會逐秋風起我懸  
一榻愧陳蕃君信南州舊高士坐深細雨飄簷花  
狂倒清樽歌下里人生富貴隨所遭草露浮雲等

閒耳天倫樂與朋友樂僕射功名難敵是勸君更  
盡酒一瓢願君弗棄烟霞交主賓沈醉互紛錯脫  
略禮數忘粗豪奈何掉頭別予去河梁分手心煩  
勞片帆漸遠風漸急仰看明月當天高

三家邨

茅屋三家邨泥牆露竹根桃花紅隔岸湖水綠當  
門歲稔饒魚麥時平長子孫優游足娛老此外更  
何論

掃墓

少白續稿

去

鬱鬱松楸蔭墓田臨風展拜淚潸然一杯麥飯作  
寒食日落東風鳴杜鵑

夏日

北窗倚高樹滿屋生綠陰一榻臥其下六月如秋  
深繁柯滴殘露密葉巢幽禽有時發天籟和我長  
短吟還宜學穎師橫膝彈孤琴

蜜蜂投蛛網救之遭螫有作示兒姪輩

天生萬物恒無私胡乃各自含殺機大小相食互  
爲忍此貪彼噬相因依就中老蛛尤狡獪凌空安

網以制飛狂蜂奮翼散衙去背馱花辦迷所歸忽  
爾翁翁觸其網蛛乃奮爪忙揚威張牙蟠腹待咀  
嚼利彼軀體甘而肥我來仰視偶然見舉以隻手  
解厥圍老蛛走匿蜂轉怒口蜜腹劍嘲寧非乘機  
奮勇螫我手負痛未定翻歔歔我受其螫蜂得脫  
此中快意知者希兒童拍手笑反噬答以爾但知  
其微恩仇顛倒世豈少之二蟲者何足譏

溪上

小溪激奔流雨過勢彌急游魚樂濠梁掉尾遊流

少白續稿

七

入月出一溪明流光碎堪拾濯纓弄鳴泉飛瀑濺  
衣濕人影倒重淵淨洗鬚眉碧逝者感如斯臨深  
警獨立

遊山雜詩

蒼鼠竄松梢飛禽度杖底乘興上層巔路入秋雲

裏一白海濤來萬里長風起

松翠羃山蹊峯巒莽迴互居人太古風向背依山

住停策生隱心徘徊不能去

題顧丈菴崖南畝犁雲圖



先生自是山澤癯識字還作耕田夫烟蓑雨笠家  
具足閑閑十畝和雲鋤日出叱牛遍南陌月上歸  
來倚草廬綠雲萬頃盡一色布穀聲中意自如高  
風卽此足千古下視軒冕皆泥塗吁嗟乎田園風  
景誠堪娛誰云力食非良圖

白洋丙舍落成詩以誌感

庚午十月交稻梁又薦新墓旁有田舍牆垣無半  
存蒿目增悲傷改作苦家貧兄弟切龜勉踟躕徒  
羨旬庀材始經營茅茨俯湖濱享祀欣有所瞻拜

少白續稿

六

貽兒孫是時登壟畝先靈日以親夜來夢見之依  
依笑語頻明發輒興感愧此孤露身回首墳上樹  
漠漠連愁雲弱齡失怙恃侍養苦無因風樹常抱  
痛今又歌鮮民時丁繼母艱啞啞烏亂啼慘惻不忍聞  
逝水感長流寒風吹墓門縱使祭而豐籩豆泣空  
陳手足幸無恙松楸伴晨昏對牀思先訓期以全  
天真

徐雪廬愛我鄉溪水紆曲風土淳古有卜鄰  
之約詩以堅之

君若結廬比鄰住盤桓日夕忘賓主松間茅屋竹  
間橋遍種梅花千百樹水抱孤邨門巷紆徹廬咫尺  
日相呼蘆中自昔多窮士鳳泊鸞飄胡爲乎

冬暮書感

落拓生涯笑有無百端蝟集迫迂儒室人解我安  
貧意爲典金釵鎖舊逋

小寒食偶閱東坡改香山詩有觸余懷悽然

胡營成咏卽用其韻

荒墩頽然撐古木狐狸夜戴骷髏宿時逢令節杏

少白續稿

九

錫香宿草淒迷映雲綠荒荒白日青楓樹麥飯年  
時營奠處故鬼淒涼新鬼愁紙錢灰逐東風去

白洋道中作 并序

貧意爲白洋在治北二十里近西連沈蕩東接新溪

齊莊生先君子邱墓在焉庚午冬構丙舍於墓側

冬至辛未暮春落成廬墓之暇棹舟往返得

四絕句

先人塋畔曉啼烏西白洋西第一圩鬱鬱松楸風  
雨裏白雲遙望淚模糊

羅漢塘西半邏塘百年陵谷變滄桑可憐多少名

賢墓華表荒涼對夕陽

何其仁墓在半邏南查初白墓在羅漢塘墓木無存

中泉故宅隱汀洲北若木邊景最幽野店杏花如

畫裏行人指點說南樓

錢太夫人善畫自號南樓老人至今遺址無恙

俯浦依然觀察居菊松遺澤未全虛門前桑柘濃

陰合一曲烟波畫不如

墨麟公故居在海浦

蔦蔦隱胡瘦山屈崱園過訪散步橫湖道上

遂誦呂塚

有客不速門外過屐齒破我庭中莎白駒空谷永

少白續稿

二

朝夕柴門免使張雀羅園中常棣初著花花光正

映朱顏酡藜筇蠟屐響籬落水涯拍拍驚駕舸橫

湖西接璵城道碧波惜少千葉荷野塘日落此顧

盼南望澈浦環青蛾修竹亭亭展新葉有若傑士

絕黨阿呂塚指點行漸近羊腸徑折迷烟蘿填填

社鼓正報賽肖像一任流傳訛環門溪水瀉碧玉

槎枒老桂青婆婆生平苦乏濟勝具欲渡無楫乘

無驟野橋小坐門新句真率半類田人歌他年湖

畔打雙槳手持笞箬披烟蓑乘車戴笠且弗論松

菊徑闢來羊何

曉遊茶磨山訪許黃門故第

山深境亦幽茅檐隱叢竹言尋黃門居人語出林  
麓是時春初晴旭日照蘿屋登堂緬高風懷古竊  
私淑早年期致君抗疏驚流俗一朝解組歸賦閒  
樂幽谷太初及蘿石詩酒相往復迄今二百年誰  
與繼芳躅荒亭關冷雲危石枕飛瀑臨風默惆悵  
鳩聲下喬木

同人重至雲岫庵山僧燒筍相餉

少白續稿

三

訪舊人參玉版禪鷹窠頂上漫留連鼠姑開後剛

重到燕子來時又一年勸客提壺忙底事送春把

酒總前緣

甲子暮春會同許敬堂王伊人作櫻筍會

更燒活火烹新茗

細品松間雪竇泉

資聖寺尋杏花樓故址

樓係陽明先生未第時讀書處

森森古木雲一灣綠雲滿地清晝間春風一徑引  
遊客啼鶯聲裏開禪關是時春暮花滿幕不見杏  
花空寂寞先生本是千秋人珍重猶思此樓閣紛  
紛講學門戶生青史難誣惟功名清風瑟瑟響修

竹如聞當日  
弦歌聲暮鼓欲動斜陽射石幢飯冷  
飢烏下老僧不解遊客心反詫書樓作僧舍

琴臺

潮聲去復來終古一拳石成連不可期隔岸衆山

夕落日下危橋

臺畔有  
聞琴橋

徘徊待烟客

海上望秦駐山用放翁風雨中望峽口諸山

韻

海上之峯誰最雄秦山突兀凌蒼穹半天潑翠豁

雙目元氣迴薄開春容傳說秦皇此駐輦驅山鞭

少白續稿

三

石誇奇功沙邱人去跡已杳此巒寂寞雲濤中昔  
我來遊歎靈異恍惚仙氣生冥濛重遊忽復幾寒  
暑青山不改當年同跨海無橋一飛越洪濤萬里  
來悲風

同華隱瘦山岾園遊澈川後留飲涉園兼以

送別

咫尺名園在晴空散白雲青山常照眼綠酒且論  
文旣得浮身樂何愁客路分不知蜂蝶鬧花落自  
紛紛

佳會殊難得斯遊奈別何客帆風信急歸路月痕  
多未卜他時約空留此日歌湖山應識我蠟屐復  
來過

夏日攜兒子邨行觀插秧有作

邨南邨北梅雨肥水田漠漠白鷺飛東南風好插  
秧便數日出水如針齊手併足抵食不暇布穀况  
催犁早架立苗欲疎耘欲密辛苦揮忘夕陽下時  
乎時乎力弗荒西成願自東作償兒曹力學等稼  
穡菱柞勤乃徵倉箱吾家事耕復事讀書味農功

少白續稿

三

兩相勗芒芒慎弗握苗長看取西疇幾區綠

平田讀唐磨崖碑有感

代遠不見碑形勢文存猶識碑中義鴻章鉅筆修  
稱頌盡述唐家中興事開元天子真英明姚宋繼  
相號治平乃自改元天寶後海棠一笑妖旋生宏  
農禍水毒于蠱阿犖山俄典軍伍秦國虢國車門  
風驚起漁陽動鼙鼓馬嵬驛畔山嵯峨六軍不發  
無奈何太子倉皇始受禪兩京克復功誰多所惜  
後來致疑謗一任宮庭牝雞唱南內歸來西內遷

問寢龍樓職常曠古稱至孝首順親功不掩罪斯  
爲真不責其孝議其篡涪翁錢叟失則鈞

黃山谷  
詩撫軍

監國天子事胡勿趣取大物  
爲錢虞山比以隋廣之篡逆

假使位不禪靈武合

被豬龍稱俘虜不見王孫泣路隅國事悲涼究何  
補舍經行權事亦宜惜哉子職終身虧嗟予好古  
逢故物持平論事非偏私聊勝建安宋南渡迎歸  
二帝終無期

### 迷津

碧石何漸漸溪水何澄澄舟行不知處兩岸落枯

少白續稿

五

藤迷津悵日落珥棹問山僧

### 寄王柳邨

邗上詩壇孰與齊選樓物色緬林棲卷中甲乙分  
標格天下人才入品題韶濩幾章山水志神交千  
里笑言睽衡陽書信傳歸雁悵望春江落日西

### 宛在園

蒹葭正蒼蒼伊人水雲隔遠山幾點青秋蘆半湖  
白高懷賦閒居著書忘日夕築園在中泚泛此烟  
波宅溯洄不見人月下一聲笛

湖上

菱花開兮秋水清  
漁船夜泛涼月明  
閒鷗避人過  
橋立滿湖烟  
靄如波  
平移舟  
曳響青蘆葉  
兩岸稻  
田水天接  
興豪聊唱滄浪歌  
不共褰裳野人涉

病中不寐

一枕支離甚  
寥寥百感清  
鬢毛非昔日  
心事到殘  
更歲儉人情  
薄家貧疾病輕  
窗前聲浙瀝  
風雨暗  
魂驚

過嶷山堂故居弔白門族祖

少白續稿

五

嶷山堂上管弦新  
歎息端非舊主人  
五世失傳關  
氣數百年遺澤委  
沙塵老梅隔戶花  
無色古石當  
階草自春曾否  
夜臺留恨在知音  
未遇淚霑巾  
先  
生前懷才不遇死後遺稿散  
伏邑誌所載諸什又非傑作

扶風豪士歌

扶風豪士何磊落  
抱才不遇隱岩壑  
矯矯高懷似  
雲鶴意氣平生重  
然諾盟金矢  
石行終身烟霞性  
癖不合羣  
閑散自當安  
蹇劣下視富貴如浮雲  
閉門抱膝祇長嘯  
門外橫湖銜夕照  
登樓南望澱山



青藜藹停雲憶同調胸羅萬卷知如何立身不早  
嗟蹉跎友朋四海江山隔二月鶯花別恨多

初夏客中雜感

梅葉萋萋梅子熟昨日新筍今成竹清和正喜散  
遊踪雷雨無端起溪谷淋浪聲過樹猶濕踏屐不  
辭行獨速野望還吟馬戴詩又見微陽下喬木

寄呈秦小峴先生

先生學業一代宗致身廊廟性邱壑風流宏獎世  
莫儔忘分何嘗恃高爵偶名一藝許登堂爭慕平

少白續稿

三

津啓東閣鯁生爲學未綜貫空勵山淵戒浮薄却  
從束髮識公名遙望龍門生踴躍已披翰墨頌山  
斗竊冀風姿瞻海鶴昔年持節來江鄉繡豸風清  
威鳳卓政成戟舍多餘閒八百孤寒來趨趨愛士  
惟知說士甘感涕曾聞周濩落還朝管領白雲  
司待漏重聽清禁鑰人將台鼎望臯夔公自抽簪  
耽引却出爲甘雨處閒雲進退分明兩無忤依然  
杖履樂相羊來看棠陰健腰脚俊也私心願識韓  
謬獻雕龍慚冗弱今春曾以拙稿寄呈求表先人墓滿幅巴音辱

教之小巫神氣徒蕭索兼慚無計申顯揚敬乞如  
椽表崖畧鴻文倘荷恣揮灑不數南豐最凌遠行  
將鐵筆鉸元石華表光榮長照灼蕪詞敢比陸倕  
賦桃李門牆可容託天高翹首九龍山卿月騰輝  
在寥廓馬羣冀北慚未空一顧長鳴仰伯樂

鷺脰湖

西風送晚涼舟過自成賞谷口雲盡歸波心月初  
上遙聽柔櫓聲半雜漁人唱孤鴻一行斜遠山露  
蕭爽傍船買銀魚向夕醉邨釀

少白續稿

七

潘稼堂先生故宅

遂初堂就慰平生笠澤書成少宦情 聖代鴻儒  
多草野布衣聲價重公卿文章尙見淵雲格博雅  
能齊朱李名風誼師門真不愧殉身史禍痛難兄

八冊

八冊水爲鄉人家依水住船載綠鳧翁網掛斜陽  
樹

渡太湖

具區震蕩溟渤連七十二峯青插天我來正值秋

張後冥濛一氣浮坤乾傍湖苗田千萬畝青蒼遠  
與湖光聯天晴氣肅波浪靜物態百變輝澄鮮半  
竿落日嶺頭沒萬點浪花烟外圓回頭山脚雲乍  
起凌虛直上何蜿蜒天風俄爾一鼓盪散作萬頃  
波心烟船頭水氣雜腥霧盤渦定有蛟龍涎茫茫  
底定懷禹蹟五湖巨浸兼百川我舟如魚亟鼓鬣  
截湖一霎爭迴沿笑指瓜師打鼓去浮家泛宅長  
年年

天台山萬年藤杖歌爲秦小峴先生七十壽

少白續稿

天

天台山高四萬八千丈長藤倒挂青芙蓉植根想  
在太古上風餐雪虐相磨礱霜皮磊砢節角露青  
藜桃竹皆凡庸金庭老衲不敢取儲材合獻梁溪  
公公文宏博詩典雅燕許手筆千秋宗太常書勳  
碑紀績歎歷中外蘇疲癯福星往時照兩浙孤寒  
八百歡春風卽今拜疏遂初服優游林下神夷冲  
梅里花開叢菊秀惠山泉釀蒲桃濃我來撰杖爲  
公壽白髮掩映童顏紅西神咫尺恣登覽飛步足  
躡鸞鶴踪杖頭星斗莽參錯弧南光射文昌宮

梁伯鸞祠

高風質庶已千年葬近要離古墓邊德曜賢真爲  
婦法伯通名亦賴君傳誰將玉案陳芳醕剩有荒  
祠冷暮烟遙想飛鴻在寥廓五噫歌罷一迢然

汲惠山泉烹茶歌

惠泉天下名第二一竇歧出分方圓清光徹骨味  
更冽鐵花何足稱比肩聽松庵下量筒汲竹爐瓦  
缶松風便老僧指點濤濤落處天漿穴石浮清連陽  
羨名椀膩手滑蒙頂嫩葉春雲鮮我生豈信有仙

少白續稿

无

骨不愛喧雜耽林泉飲餘清風生兩腋七椀何必  
誇玉川花前三復孟端畫畫長虛室生雲烟

過東林書院有感

熹宗國勢寢不支星明貫索乾象垂三吳祇急鈎  
黨案太阿一任中涓持東林諸老侍朝右或居台  
鼎兼庶司力爭三案屢抗疏讜言不惜陳丹雘貂  
璫舞文矯上旨顛倒黑白迷澠濫天關虎豹肆狂  
噬赭衣園土時橫屍清流幾至一網盡甘露之變  
無其悲懷宗踐阼號英斷同文黑獄開烟霏天鑒

錄與點將錄誦之不異元祐碑應山擬陽最炳耀  
餘亦不乏諫諍姿茄花委鬼一彈指坐令四海興  
刀鉞龜山先生論道處梁溪溪畔仍臯比我來秋  
色正蕭灑烟波萬頃生淪漪嗚呼邪正不兩立追  
感舊事傷心脾膺滂啣寃漢祚替後先一轍同嗟  
咨人之云亡邦國瘁再拜堂廡懷風詩

自梁溪返櫂舟中作

九龍山下山水窟山色溪光兩清越舟行不覺載  
水多坐看篷窗一宵月

少白續稿

三

寒山訪趙凡夫故居

一路入修竹西山易夕曛松濤起岩壑木葉秋紛  
紛寂歷梵宇磬山空時一聞高士昔借隱曠代餘  
清芬徘徊采秋菊遙薦雲中君

萊陽二姜先生祠

伯仲登朝勁節堅天門抗疏並堪憐寇氛更熾會  
昌後世局猶如元祐年死著戎衣思報主生爲逐  
客不歸田山邱祠宇魂來處兩地青燐化杜鵑

虎邱

山塘環碧波平地起孤嶺入寺始登山訪古探幽  
井庭石倚老松池水湛虛影山背更平遠一抹蒼  
烟凝遙巒螺點青浩渺水天永日落北風生頓覺  
絳衣冷一杵撞疎鐘塵夢發深省

沈歸愚先生祠

雅材久云亡僞體炫人目朱王施宋後唐音斷不  
續羣然貉一邱尤楊共范陸崛起任別裁幽人在  
空谷淫哇力掃除重令正始復我生恨已晚遺文  
竊私淑今來拜遺像寒泉手親掬不獨盛文章內

少白續稿

三

行見肫篤晚受特達知勇退樂岩壑九秩詩仙身  
道範邁流俗舟子促解維徘徊玉林麓行行復回  
首雲烟迷古木

石湖

石湖曾此住七十二峯多權入紅蓮渚徐聽白紵  
歌漁燈明遠浦秋雁聚寒莎恨不移家隱林泉空  
薜蘿

讀書一章示子姪輩

讀書貴得旨毋僅守章句千古聖賢心恒於簡編

寓苟非發深省何以傾其趣况乎愚鈍質豈可鹵  
莽誤疏解一朗誦旨趣自流露朝夕時三復緣此  
得津路蜂以釀成蜜蘖以釀成酤萬事盡如斯道  
爾忽來悟丙夜一燈熒秋聲聲在樹  
早春同人遊橫山  
山寒春未動天晴淑氣煦結伴上層巔登覽多幽  
趣怪石聳嶙峋雙峯重廻互嶺梅開未落林鳥啼  
不住確喧澗底泉風捲林杪霧遐探共忘疲覓徑  
更徐步言尋讀書臺蒼蒼日將暮長歌逢採樵前

少白續稿

三

行指歸路

題渭川寄意圖

元圃示我渭川圖知是先人舊遊處層巒疊嶂傍  
碧流曲逕千株叢竹樹綠陰長夏如三秋日夕披  
襟樂幽愜居然千畝在胸中瑟瑟清風得佳趣繪  
工妙筆潑墨濃彷彿淋漓猶旦暮先生僻性愛簞  
簞綠筠箴箴鳳尾長游踪少小涉淇澳左右萬椽  
森成行此中惜少一茅屋繪圖寄意聊襄羊風流  
如此信瀟灑碧玉環流坐其下掉頭倏載雲旗遊

一幃留傳愛閒雅我來題句生遐思依然海鶴驚  
風姿愧無六逸溪邊句寫上林於千萬枝

雨泊

衆樹生暮烟孤帆帶寒雨弭棹沽新醅茅店傍桑  
圃遙遙犬吠聲漁火點前浦

少白續稿

三

雨過澗水與煙嵐火暈清蕭

翠樹生暮烟孤帆帶寒雨弭棹沽新醅茅店傍桑圃遙遙犬吠聲漁火點前浦

雨泊

風姿愧無六逸溪邊句寫上林於千萬枝

一幃留傳愛閒雅我來題句生遐思依然海鶴驚





